

10 AÑA MUSEO ARQUEOLOGICO DI ARUBA



ORANJESTAD (IPA)
Museo Arqueologico Aruba recientemente a cumpli 10 anja di existencia.

Relativamente 10 anja ta hopi cortico si mester compara cu e historia di museonan den otro paisnan. Pa nos pais sinembargo 10 anja pasa e inicio di museo Arqueologico tabata un novedad. Oficialmente e museo por wordo considera e prome museo di Aruba.

A cuminsa cu medionan hopi simpel y e coleccion cu tabata accesible pa publico tabata chikito. Como cu Aruba por wordo considera un pais hopi rico na objetonan arqueologico, e coleccion di e museo a crece den corto tempo di tal forma cu a crea e problema di scarcedad di

espacio tanto pa exhibi e coleccion como pa e trabounan cu diariamente ta wordo haci den e museo.

Un museo contrario na loke hopi ta pensa no ta solamente un lugar na unda por aprecia objetonan di pasado cu ta bunita y interesante. Museonan ta generadornan di cultura, nan ta preserva y transpasa cultura. Museo ta un atraccion pa sera conoci cu e cultura.

Museo Arqueologico Aruba ta specialisa ariba e cultura di nos promer habitantenan.

Nos prehistoria pa medio di hallasgonan for di excavacionnan haci na Aruba, den cualnan objetonan di antes a wordo saca di e subsuelo, y estudionan profundo cu a tuma y ta

Sigui lesa pag. 3

10 aña di Museo Arqueologico di Aruba

tumando lugar ta ser presenta na e publico. A base di e objetonan arqueologico continuamente ta trata na reconstrui e cultura di nos prome habitantenan y e informacionnan obteni ta wordo pasa pa nos habitantenan actual y nos bishitan-

tenan di otro paisnan.

A wordo constata cu Aruba tin por lo menos 106 lugarnan na unda nos prome habitantenan tabata biba pa un periodo cortico o largo.

Tambe cu tabata trata di dos diferente grupo

cu durante un periodo di mas di 1500 anja a pobla nos pais.

E anja aki 1992 ta wordo recorda cu 500 anja pasa e Europeo a pisa tera pa prome vez ariba e continente di America. Esaki a trece influencianan

y cambionan drastico cerca e habitantenan original di nos pais tambe.

Actualmente poco ta notable di e cultura cu tabata tin den nos prehistoria. Pero pruebanan a keda cu awe nos por bisa cu e prome habitantenan di Aruba tabata tin un cultura

Cont. di pag.

relativamente sofistica.

Gracias na e informacionnan haya te cu awor actualmente un buki di nos prehistoria ta wordo prepara pa nos muchanan di skol. Esaki indudablemente lo contribui na alcanza un meta principal di Museo Archeologico cu ta pa informa mas tanto cu ta posible tocante nos prome habitantenan. Ta importante pa ta conciente di e pasado pa por stipula nos futuro.

Un proyecto pa financiamiento di un localidad mas amplio pa museo Arqueologico a wordo entrega na Hulanda.

Ojala pronto e decision positivo cai, pa di e manera aki den futuro cercano nos por tin un museo adecuado cu espacio suficiente pa ubica tur e objetonan arqueologico.

E coleccion di objetonan cu nos ta bai aprecia den e exposicion aki sigur tambe e ora lo por haya un lugar den e exposicion permanente di nos museo arqueologico.

Mi ta declara e exposicion aki pa habri. E exposicion ta habri pa publico for di 20 te cu 29 di Januari durante oranan di trabao esta mainta di 7:30 - 12:00 y atardi di 13:00 pa 16:30.

Ariba diamars y diahuebs e exposicion ta habri di 17:00 - 21:00. E exposicion por ser bishita na Instituto na Juancho Irausquin Plein.

HAZAÑA 1992

